



## JABATAN BENDAHARI NEGERI SABAH

Blok A, Tingkat 8 - 11,  
Pusat Pentadbiran Negeri Sabah,  
Jalan Teluk Likas, Tanjung Lipat,  
88400 Kota Kinabalu, Sabah



Tel.: 088-368397 Faks: 088-211392 E-mel: bn.jbn@sabah.gov.my

Bil. JBNS: 100-4/10 Jld.(6)/(14)

Tarikh : 10 Januari 2022

Semua Setiausaha Tetap Kementerian,  
Semua Ketua Jabatan,  
Semua Pegawai Daerah,  
Semua Penolong Pegawai Daerah Kecil.

YBhg. Datuk/Datin/Tuan/Puan

### PEKELILING JABATAN BENDAHARI NEGERI SABAH BIL. 2 TAHUN 2022 PERATURAN PEMBAYARAN BANTUAN KHAS KEWANGAN TAHUN 2022

#### 1. TUJUAN

Pekeliling ini bertujuan untuk memaklumkan kaedah pembayaran **BANTUAN KHAS KEWANGAN TAHUN (BKK) 2022**.

#### 2. LATARBELAKANG

Pembayaran ini adalah selaras dengan Pekeliling Perkhidmatan Negeri Sabah (PPNS) Bil. 1/2022 bertarikh 06 Januari 2022. Pekeliling ini hendaklah dibaca bersama dengan pekeling tersebut yang boleh didapati melalui laman sesawang Kerajaan Negeri Sabah <http://www.sabah.gov.my/ecircular>.

#### 3. KAEDAH PEMBAYARAN

- 3.1 BKK Tahun 2022 sebanyak setengah bulan gaji atau minimum RM1,000.00 akan dibayar secara automatik melalui Sistem Gaji Pusat (SGP) serentak dengan gaji bulan Januari 2022. Bayaran dibuat hanya kepada pegawai Perkhidmatan Awam Negeri termasuk Jabatan Mengakaun Sendiri (JMS) yang aktif dibayar gaji melalui SGP pada bulan Januari 2022.
- 3.2 Pembayaran hanya boleh dibuat melalui SGP. Oleh yang demikian, bagi Pegawai Perkhidmatan Awam Negeri yang tidak aktif dibayar gaji melalui SGP pada bulan Januari 2022 tetapi layak dibayar BKK Tahun 2022, Jabatan hendaklah menyediakan input BKK Tahun 2022 melalui Sistem ePay A3 dan menghantar input mengikut Jadual Penghantaran Input Bulanan. Input BKK Tahun 2022 boleh dihantar mulai bulan Februari 2022 (INPUT GAJI BULAN MAC 2022) tertakluk kepada Jadual Penghantaran Input Bulanan (Lampiran 1, PBNS Bil. 20/2021).

“SABAH MAJU JAYA”



#### 4. KOD BAYARAN / POTONGAN

4.1 Kod bayaran / potongan BKK Tahun 2022 adalah seperti berikut:

| KOD OBJEK | KOD SGP | SINGKATAN  | PERIHAL  |
|-----------|---------|------------|--|
| 15106     | 403     | BKK 2022   | BANTUAN KHAS KEWANGAN 2022                                   |
| 15106     | 698     | TBKK 2022  | TUNGGAKAN BANTUAN KHAS KEWANGAN 2022                         |
| 15106     | 767     | BLKBKK     | KUTIPAN BALIK BAYARAN BANTUAN KHAS KEWANGAN 2022             |
| 29306     | 404     | BKK2022VT  | BANTUAN KHAS KEWANGAN 2022 VOT TERBUKA                       |
| 29306     | 699     | TBKK2022VT | TUNGGAKAN BANTUAN KHAS KEWANGAN VOT TERBUKA                  |
| 29306     | 768     | BLKBKKVT   | KUTIPAN BALIK BANTUAN KHAS KEWANGAN VOT TERBUKA TAHUN SEMASA |

#### 5. TANGGUNGJAWAB KETUA JABATAN

- 5.1 Pusat Kawalan Sistem Perakaunan akan mengeluarkan Laporan Senarai Nama Penerima BKK Tahun 2022 kepada semua Kementerian/Jabatan dibawah SGP termasuk JMS untuk semakan masing-masing. Laporan berkenaan adalah berdasarkan kepada maklumat anggota dalam SGP.
- 5.2 Ketua Jabatan adalah bertanggungjawab menyemak dengan teliti laporan tersebut dan memastikan bayaran BKK Tahun 2022 kepada setiap anggota masing-masing teratur dan mematuhi peraturan PPNS Bil. 1/2022. Perhatian hendaklah diberikan kepada pegawai yang tidak layak dan ditangguhkan BKK Tahun 2022. Selanjutnya pembayaran BKK Tahun 2022 kepada Pesara Perkhidmatan Awam Negeri yang dilantik semula hendaklah mematuhi PPNS Bil. 1/2022.
- 5.3 Ketua Jabatan bertanggungjawab membuat pelarasan semula BKK Tahun 2022 yang telah dibayar jika berlaku salah bayaran. Pelarasan hendaklah dibuat melalui Sistem e-Pay A3 dan dihantar bersama input gaji bulan Mac 2022.
- 5.4 Ketua Jabatan selaku pegawai pengawal adalah bertanggungjawab untuk memastikan baki peruntukan dalam vot berkenaan adalah mencukupi untuk membayar BKK Tahun 2022 ini. Jika peruntukan tidak mencukupi, pegawai pengawal adalah bertanggungjawab untuk memohon viremen atau peruntukan tambahan (ASP) mengikut peraturan-peraturan yang telah ditetapkan.

## 6. PEKERJA SAMBILAN HARIAN (PSH)

- 6.1 BKK Tahun 2022 kepada PSH akan dibayar serentak dengan gaji bulan Januari 2022 berpandukan kepada senarai penerima PSH yang terdapat dalam Sistem Upah Harian (SUH).
- 6.2 Jabatan hendaklah mendaftarkan maklumat dalam SUH dan mengemukakan baucar bayaran am ke Jabatan Bendahari Negeri / Jabatan Pertanian Sabah. Bagi baucar PSH yang dibayar di Jabatan Bendahari Negeri, baucar tersebut hendaklah diluluskan di peringkat Jabatan.
- 6.3 Ketua Jabatan bertanggungjawab memastikan PSH memenuhi syarat seperti yang dinyatakan dalam perenggan 4.1 PPNS Bil.1/2022. Salinan surat pelantikan berserta salinan surat penerimaan jawatan hendaklah dikepilkan bersama sebagai sokongan yang melayakkan PSH berkenaan diberi BKK Tahun 2022.
- 6.4 Ketua Jabatan adalah bertanggungjawab sepenuhnya ke atas kelewatan pembayaran BKK Tahun 2022 kepada PSH di Jabatan masing-masing kerana kelewatan untuk mengemukakan baucar bayaran am ke Jabatan Bendahari Negeri / Jabatan Pertanian Sabah ataupun mendapat teguran kerana terdapat PSH yang tidak layak diberi BKK Tahun 2022 kerana tidak memenuhi syarat seperti di para 6.3.

## 7. PENUTUP

Sekiranya terdapat kemusykilan dalam pelaksanaan pekeliling ini, sila berhubung terus dengan Akauntan Seksyen Saraan melalui telefon 088 - 368516.

Sekian, terima kasih.

**“BERKHIDMAT UNTUK NEGARA”**



**(DATIN MARY ANGELA SIPAUN C.A.(M), FCPA(A), ASEAN CPA)**  
**Bendahari Negeri**

✚ ZAY/zay

**“SABAH MAJU JAYA”**

s.k. Pengarah  
Jabatan Kerja Raya  
Jalan Sembulan  
Peti Surat 128  
**88592 KOTA KINABALU**  
(u.p: Ketua Penolong Pengarah, Cawangan Akaun)

Pengarah  
Jabatan Pertanian  
Wisma Pertanian, Jln Tasik  
Beg Berkunci 2050  
**88632 KOTA KINABALU**  
(u.p: Ketua Akauntan)

Ketua Konservator Hutan  
Jabatan Perhutanan  
Beg Berkunci 68  
**90009 SANDAKAN**  
(u.p: Ketua Akauntan)

Pengarah  
Jabatan Tanah Dan Ukur  
Beg Berkunci 2044  
**88576 KOTA KINABALU**  
(u.p : Ketua Akauntan)

Pengarah  
Jabatan Perkhidmatan Komputer Negeri  
Tingkat 7, Menara Kinabalu  
**88400 KOTA KINABALU**  
(u.p : Encik Wan Ahmad Hazwan bin Ahmad Suhaini)

Bendahari Negeri  
Jabatan Bendahari Negeri  
Blok A, Tingkat 8, Menara Kinabalu  
**88400 KOTA KINABALU**  
(u.p : Encik Yazid Yuzairie Bin Yunos)